



特 別
^20
3573
3



八20
3573
3



杜樊川集卷十一

東海朱一是近脩

丹山吳 璵于庭

評次

黃州准赦祭百神文

會昌二年歲次壬戌夏四月乙丑朔二十三日
丁亥皇帝御宣政樓百辟卿士稽首再拜敢上
仁聖文武至神大孝尊號于皇帝受冊禮畢御
丹鳳樓因大赦天下刺史宐祭境內神祇有益
於人者可抽常所上賦以備具牧為刺史實守



<2003-1545>

黃州夏六月甲子朔十八日辛巳伏准赦書得
祭諸神因爲文稱讚皇帝功德用饗神云皇帝
嗣帝飾天付前壬申年坐統大業慈明寬恩聖
明文武或曰誅殛曰我父母譬彼嬰兒豈不可
恕或曰畋遊苑大林深啾嚶跳突千毛萬羽豹
裂鵬擒其樂無伍皇帝曰不匪我不知言豈假
汝未撫四夷未考百度天地宗廟未陳簋簠如
寐未寤如癢未愈斥退狗馬未可以御或曰酒
飲順氣完神奠樂工習自祖自父瑤簪繡裾千

萬侍女酬以觥筯助之歌舞富貴四海不樂何
苦皇帝曰不如聞四海蝗蔽田畝或曰亢旱或
曰淫雨稚老孤寡未盡得所聞一有是首不能
舉乃拔俊良乃登耆老夕思朝議依規約矩詳
刑定法深刻不取操揭典制酌之中古遠師太
宗近法憲宗怵慄思惟不治是懼四國旣平六
職攸序黍稷稻粱嘔啞俯僂父子供養嬰兒撫
乳萬里齊俗實皇帝力繫眠而食罔知其故皇
帝乃曰予見郊廟嚴法物旃旒旗五帝坐壇百

神立坵。鬼疑盼嚮。捧爵是醮。海外天內。戎狄蠻夷。奇服異貌。伏于除外。懽喜叫噪。迴御丹鳳。大赦四海。改元會昌。減論有罪。紹功嗣德。搜剔幽昧。寒暑合節。風輕雨碎。穀溢陣困。畜繁脂大。東南西北。限岸疆紀。無有頓憚。不識災害。三事大夫。邦伯諸侯。曰皇帝德。古不能侔。謳歌謠詠。安能可稱。百工庶人。亦有聚謀。拜章口呼。願上大號。神聽天聞。欲揚宏休。皇帝曰。無功。不可虛受。懇請不已。出涕叩頭。皇帝不能止。曰。予慙羞。曰。

因大赦。維新九州。不窮。不詐。不饑。不偷。有窮。有饑。實吏之尤。予實天吏。許之。省脩約束。致誠。纖悉丁寧。品類細偉。各當源流。皇帝曰。俞。股肱耳目。誠示竭力。寒暑風雨。宐神是酬。匪神之力。其誰能謀。凡爾守土。各報爾望。剝烹羹。無愛牛羊。天下聞命。奔走承事。牧實遭遇。亦忝刺史。齋齋惕慄。臨谷臨墜。視牲啓毛。濯爵置幕。不委下吏。簡羞具潔。罔有不備。衣冠待曉。坐以假寐。步及神宇。躋足屏氣。神實在前。敬恭跪起。詩不云。

乎。皇天上帝。伊誰云憎。天憎罪人。天可止視。止
殃其身。豈可傍熾。言。廣。而。意。擊。刺史有罪。可病。可死。其身未
塞。可及。妻子無作。水旱以及閭里。皇帝仁聖。神
祇聰明。唱和符同。相爲表裏。黃治雖遠。黃俗雖
鄙。皇符視之。近遠一致。洋洋在上。實提人紀。無
負皇帝。自作羞愧。月惟孟夏。日惟辛巳。實神降
止。神如有言。我荅皇帝。寒暑風雨。其期必至。瘡
癘水旱。未未止弭。爾爲官人。勉其爾治。某敬再
拜。流汗霑地。

頌言不縟。饒有新冽之氣。

祭城隍神祈雨文

下土之人。天實有之。石穀豐實。寒暑合節。天實
 生之。苗房甲而水湮之。苗秀好而旱莠之。饑卽
 必死。天實殺之也。天實有人。生之孰敢言天之
 仁。殺之孰敢言天之不仁。刺史吏也。三歲一交。
 如被管庫。敢有其寶。王疑。又。堪。質。如彼傳舍。敢治其居室。
 東海孝婦。吏寃殺之。天實寃之。殺吏可也。東海
 之人。於婦何辜。而三年旱之。刺史性愚。治或不
 至。厲其身可也。絕其命可也。吉福殃惡。止當其

身。胡爲降旱。毒彼百姓。謹書誠懇。本之於天。神能格天。爲我升聞。

清新自闢

又

牧爲刺史。凡十六日。未嘗爲吏。不知吏道。黃境蔡隣。治出武人。近五十年。令行一切。後有文吏。未盡削除。伏臘節。叙牲牢雜湏。吏僅百輩。公取於民里胥。因緣侵竊。十倍簡科民費。變於公租。刺史知之。悉皆除去。鄉正材長。強爲之名。豪者尸之。得縱強取。三萬戶中。多五百人。刺史知之。亦悉除去。蠶絲之租。兩耗其二銖。租穀之賦。斗耗其一升。刺史知之。亦悉除去。吏頑者笞而出。

之吏良者勉而進之。民物吏錢交手爲市。小大之獄面盡其詞。棄於市者。必守定令。人口非多。風俗不雜。刺史年少。事得躬親。直拔其根矣。苗去其莠矣。不侵不蠹。生活自如。公庭盡日不聞人聲。刺史雖愚。日無縱過。使有過力短不及。怨亦可也。殺亦可也。稚老孤寡。指苗燃鼎。將穗秀矣。恐令萎死。以絕民命。古先聖哲。一皆稱天。舉動行止。如天在旁。以爲天道。仁卽福之。惡卽殺之。孤窮卽憐之。無過卽遂之。今早已久。恐無秋

成。謹具刺史之所爲。下人之將絕。再告於神。神其如何。

亦韻亦散高古莫京

祭木瓜神文

維會昌六年歲次景寅某月某日某官敬告于
木瓜山之神惟神聰明格天能降雲雨郡有災
旱必能救之前後刺史祈無不應去歲七月苗
將萎死禱神之際甘雨隨至槁然凶歲化爲豐
年仰神之靈感神之德願新祠宇以崇祭祀今
易卑庫變爲華敞正位南面廟貌嚴整風雷雲
雨師伯必備侍衛旗戟羅列森然惟神繫雲在
襟貯雨在缶視人如子渴卽與之不容凶邪不

降疾疫。千萬年間。使池之人。敬仰不怠。伏惟尚饗。

簡言多警

祭故處州李使君文

維會昌五年。歲次乙丑。某月日。池州刺史杜牧。謹遣軍事押衙王鏐。謹以清酌庶羞之奠。敬致祭于亡友李君起居之靈。憶昔相遇。兩未生鬚。京師衆中。跡猶甚疎。一言道合。盡寫有無。我於宣城。忝跡賓吏。君隨幕府。東下繼至。復與友人。故薛子威。邂逅釋願。如相爲期。放論劇談。各持是非。攻強討深。張矛鼓機。怒或施赫。終成笑嬉。於後七年。君拜左史。來蜀西川。我官補闕。云愧

我先拜章請代。蓋私我焉。我有家事。乞假南來。循出里第。君出離杯。令弟在席。恣爲詼諧。耳熱。膽張。觥聯相狎。我歸墜馬。一枝幾摧。君來我坐。側倚旁隈。時聞酸吟。戲口猶開。云君我殺。以酒相加。忌我之才。及我南去。君刺池陽。我守黃岡。葭葦之場。唯君書信。前後相望。辭意纖悉。勉我自強。筆我性情。補短裁長。一函每發。沉憂併忘。幸會交代。泐檄若飛。江山九月。涼風滿衣。爲別幾時。多少懽悲。志業益廣。不可窺知。長人之術。

酋爲吏師。縱酒十日。舞袖傲垂。語公之餘。且及其私。許以季女。配我長兒。莫云稚齒。可以指期。各負少壯。輕後會時。寓居宣城。書札日馳。一疾不起。訃來猶疑。嗚呼哀哉。惟先僕射。儉德冠古。凡二十年。四領茅土。所至所治。曰人父母。官俸餘半。委庫不取。京師里第。蓬茅數畝。慶餘生君。曰天酬補。何聰明才智兮。不使施爲。何付與之多兮。折之忽發大論何暴天陽地陰。高厚相伴。上有河漢。鈇反橫流。百刻晝夜。平分不饒。皎不陰晦。一月。

幾朝二男三女。俗率如此。三男二女。無有其地。君子小人。鼻目並列。與小人校會。無百一於百一。中以秀奪實。凡稟陰陽。生於其間。陽常不勝。賢者宜艱。自古皆然。欲復何言。撫孤一吊。拍棺一哭。咫尺不遂。涕下相續。期於沒齒。盡力嗣子。嗚呼哀哉。伏惟尚饗。

兩人交情始終可睹

祭周相公文

維大中五年歲次辛未七月辛未朔八日戊寅。故吏朝議郎知湖州諸軍事守湖州刺史杜牧。謹遣軍事押衙司馬素謹以清酌庶羞之奠。敬祭于故相國僕射贈司徒周公之靈。伏惟相公之道。徧於天下。至如牧者。受恩叢深。爰自稚齒。卽蒙顧許。及在官途。援摯益至。會昌之改。柄者爲誰。忿忍陰汗。多逐良善。牧實忝幸。亦在遣中。黃岡大澤。葭葦之場。繼來池陽。西在孤島。僻左

五歲遭逢聖明。收拾冤沉。誅破罪惡。牧於此際。
更遷桐廬。東下京江。南走千里。曲屈越嶂。如入
洞穴。驚濤觸舟。幾至傾沒。萬山環合。才千餘家。
夜有哭鳥。善寫景晝有毒霧。病無與醫。饑不兼食。仰啗
偏塞。行少臥多。逐者紛紛。歸軫相接。唯牧遠棄。
其道益艱。相公慳憫。極力掀拔。爰及作相。首取
西歸。授之名曹。帖以重職。號國太子。降市謀人。
死而復生。未足為喻。旋旂西去。拜於都門。聞賢
士大夫。無不攀惜。皆曰相公。事君盡忠。保道輕

位。大張宮室。盡閉私門。彼由徑者。跋倚不進。天
下賢彥。明知所趨。重德壯年。衆期在入。牧收吳
興。繼奉手示。但休退不言疾恙。計書忽至。慟哭
問天。嗚呼蒼生未濟。而喪吾相。吾為蒼生慟。豈
獨私恩。想像音容。思惟恩紀。期於令嗣。可以効
哉。死吾洛相。遠逾於三千。無因拜柩。見歸九泉。
哭送使者。致誠奠筵。伏惟尚享。

極言遭遇之苦。深恩自不可忘。亦文之發乎
情者。

祭龔秀才文

維大中五年歲次辛未五月朔二日湖州刺史
 杜牧謹遣軍事十將徐良敬致祭於故龔秀才
 之靈死者生之極折脛而夭重惜之復死之極言於前
 定莫得而推出於偶然竟其寃哉鄉里何在骨
 肉何人卞山之南可以栖覓嗚呼哀哉伏惟尚
 饗

簡古極妙

銀青光祿大夫檢校禮部尚書兼御史

大夫充浙江西道都團練觀察處置

等使上柱國清河郡開國公食邑三

千戶贈吏部尚書崔公行狀

曾祖綜皇任醴泉縣令

祖浩皇任太子中允贈右散騎常侍

父倕皇任檢校吏部侍郎兼御史中

丞袁州刺史贈太師

公諱郾字廣畧威儀秀偉神深氣厚卽之如鑑

望之如春旣冠識者知不容於風塵矣貞元十

二年中第十六年平判入等受集賢殿校書郎

陝。虢。觀。察。使。崔。公。琮。願。爲。賓。而。不。樂。之。潔。辭。載。弊。使。者。數。返。公。徐。爲。之。起。且。曰。不。關。上。聞。攝。職。可。也。愛。署。爲。觀。察。巡。官。後。轉。京。兆。府。鄜。縣。尉。遷。監。察。御。史。殿。中。侍。御。史。刑。部。員。外。丁。邠。國。太。夫。人。憂。扶。而。能。起。人。有。聞。爲。外。除。拜。吏。部。員。外。郎。判。圖。曹。事。千。人。百。族。必。應。進。而。進。公。親。自。挾。格。肖。法。必。留。戾。程。必。出。每。懸。榜。舉。牘。富。室。權。家。汗。而。仰。視。不。敢。出。口。宿。速。吏。遂。巡。縛。手。係。舌。願。措。一。奸。不。能。得。之。凡。三。年。遷。左。司。郎。中。吏。部。郎。中。

太史公傳紀
有此

加。朝。散。大。夫。旋。拜。諫。議。大。夫。兼。知。匭。使。穆。宗。皇。帝。春。秋。富。盛。稍。以。畋。遊。聲。色。爲。事。公。晨。朝。正。殿。揮。同。列。進。而。言。曰。十。一。聖。之。功。德。四。海。之。大。萬。國。之。衆。之。治。之。亂。懸。於。陛。下。自。山。巴。東。百。城。千。里。昨。日。得。之。今。日。失。之。西。望。戎。壘。距。宗。廟。十。舍。百。姓。憔。悴。蓄。積。無。有。願。陛。下。稍。親。政。事。天。下。幸。甚。誠。至。氣。直。天。子。爲。之。動。容。歛。袖。慰。而。謝。之。遷。給。事。中。敬。宗。皇。帝。始。卽。位。旁。求。師。臣。今。相。國。奇。章。公。上。言。曰。非。公。不。可。遂。以。本。官。充。翰。林。侍。講。

學士命服金紫旋拜中書舍人仍兼舊職侍帝
郊天加銀青光祿大夫三段點綴入古高承簡罷鄭滑節度使
滑人叩闕乞為承簡樹德政碑內官進曰翰林
故事職由掌詔學士上曰承簡功臣胤也治吾
咽喉地克有善政罷而請紀入人深矣吾以師
臣之辭且寵異焉居數月魏博節度使史憲誠
拜章為故帥田季安樹神道碑內官執請亦如
前辭上曰魏北燕趙南控成臯天下形勝地也
吾以師臣之辭且慰安焉居數月陳許節度使

王沛拜章乞為亡父樹神道碑內官執請如前
辭上曰許昌天下精兵處也俗忠風厚沛能撫
之吾視如臂吾以師臣之辭而彰其忠孝焉是
三者皆御札命公令刻其辭恩禮親重無與為
比歷歲願出守本官辭懇而遂禮部缺侍郎上
曰公可也遂以命之二年選士七十餘人大抵
後浮華先材實轉兵部侍郎今上卽位四年公
亟請於丞相閣曰願得一方疲人而治之除陝
虢觀察使兼御史大夫先是陝之官人人必月

古亦有此

弊政
 尅俸錢五千。助輸貢于京師者。歲至八十萬。公曰。官人不能瞻私。安能恤民。吾不能獨治。安可自封。卽以常給廉使雜費。下至于鹽酪膏薪之品。十去其九。可得八十萬。歲爲代之。官人感悅。隨治短長。不忍爲欺。萬國西走。陝實其衝。復有江淮梁徐許蔡之戍兵。北出朔方上郡。回中泃隴間。踐更往來。不虛一時。民之供億。吏湏必應。生活之具。至于銚缶。缶匙常碎於四方之手。公曰。此猶束炬以焚民也。於是御宴賞。截浮費。凡

瑣俗之事寫之以文

今日之東南
 恐有民運之苦

金漆陶木絲枲之用。悉爲具之。可饗數千人民。一不知復有詔旨。支稅粟輸太倉者。歲數萬斛。始歛民也。遠遠近近。就積佛寺。終輸于河。復藉民而載之。民之巨牛大車。半頓于路前。政咸知計。不能出。公曰。管仲曰。粟行五百里。民有饑色。斯言粟重物也。不可推遷。民受其弊。况今遷直之計。有不趨五百里乎。公乃大索有無。親執籌而計之。北臨黃河。樹倉四十間。穴倉爲槽。下泃于舟。因隙償直。不敗時務。自此壯者斛。幼者斗。

叙次古勁

負孳囊。襄委倉而去。不知有輸。他境之民。越逸奔走。軫駢爭鬪。願爲陝民。政成化行。上國下國。更口讚頌。凡二年。改愕岳安黃。斬中等州。觀察使。囊山帝江。三十餘城。繚繞數千里。洞庭百越。巴蜀荆漢。而會注焉。五十餘年。比有蔡盜。於是安鑠三關。鄂練萬卒。皆倉楚善戰。浸有戰風。稱爲難治。有往自矣。公始臨之。簡復伍。旋脩理械。用親之以文。齊之以武。大勅所事。以張威容。造蒙衝小艦。上下千里。武士用命。盡得群盜。公曰。

聲光穆然在
周秦間

却于水者。以盡殺爲習。雖值童耆。而無捨爲比。附他盜。刑不可等。於是一死之內。必累加之。盜相戒曰。公之太去。勿觸其境。然後無棄奸。冒用公法也。升陟廉能。用公舉也。撫獲窮約。用公惠也。豪商大賈。不得輕投。不得隱田。父子兄弟。不得同販。於是闔境之內。有餘不足。自公而均。復建立儒官。置博士。設生徒。廩餼必具。頑惰必遷。敬讓之風。人知家習。八年秋。江水漲溢。公曰。安得長堤而禦之。言訖。軍士齊民。雲鋪雨杵。一揮。

立就令行恩結有如此者千里之內如視堂廡雖僻左下里歲臘男子必以鷄黍賀饋女子能以簪瑱相問遺富樂歡康肩於治古凡五年遷浙西觀察使加禮部尚書公曰三吳者國用半在焉因高爲旱因下爲水者六歲矣輕賦兵役不減於民上田沃土多歸豪強苟悅所謂公家之惠優於三代豪強之酷甚於亡秦今其是也於是料民等第籍地沃墾均其征賦一其徭役經費宴賞約事裁節民有宿逋不可減於上供

者必代而輸之誠禱山川歲獲大稔復曰衣冠者民之主也自艱難已來軍士得以氣加之商賈得以財侮之不能自奮者多栖於吳土遂立延賓館以待之苟有一善必接盡禮教之因訪里閭益知民之疾苦隨以治之纔逾朞歲而吳民復振開成元年十月二十日薨于治所多士相弔曰使公相天子貞觀開元之俗可期而見也豈公不幸實生民之不幸也主上痛悼輟朝一日贈吏部尚書公知生靈和自干名立朝爲公卿

爲侯伯。未嘗湏吏聞。汲汲牽率。欲顯名。欲合道。而仁義忠信。明智恭儉。鬱積發溢。自然相隨。不立約結。而善人自親。不設溝壘。而不肖自遠。不志於榮達。而官位自及。公內外闕閱。源流清顯。拔於甲族。而復甲焉。親昆仲六人。皆至達官。公與伯兄季弟五司禮闈。再入吏部。自國朝已來。未之有也。上至公相。方伯。下及再命一命。幕府部吏屬。遍滿內外。皆公門生。公俯首益恭。如孤臣客相。自惕而多畏也。自爲重鎮。苞苴金幣之

盛事

貨。不自耀門。親戚舊故。周給衣食。畢其婚喪。悉出俸錢。不以家爲。在家怡然。未嘗訓練。子弟自化。皆爲名人。居室卑庳。不設步廊。賓至。值雨。長蓋躡屐。而就于外位。初鎮于陝。或東巡。經月。不鞭一人。至于驛馬。今五歲。幸全。則爲代之。著爲定制。曰。致一物於必窮之地。君子不爲。其爲人愛而臻於此。及遷鎮鄂渚。嚴峻刑法。至於諸戮。未嘗貰一等。後一刻。問於公。曰。陝鄂之政。不一。但臻於理。何也。公曰。陝土瘠民勞。吾撫之不暇。

尚恐其驚。鄂之民剽土沃。雜以夷俗。非用威刑。莫能致理。政貴知變。蓋為此也。聞者服焉。嗚呼。公之德行。材器。真哲人君子。沒而不朽者也。易名定謚。為國常典。敢書先烈。達于執事。附于史氏云爾。謹狀。

洋洋千言。窮鉅極纖。風采道潔。故不可及。

唐故尚書吏部侍郎贈吏部尚書沈公

行狀

曾祖某皇任泉州司戶參軍

祖某皇任婺州武義縣主簿贈屯田

員外郎

父某皇任尚書禮部員外郎贈太子

少保

公諱某字某。明春秋。能文。攻書。未冠知名。我烈祖司徒岐公與公先少保友善。一見公喜曰。沈氏有子。吾無恨矣。因以馮氏表生女妻之。貞元末。舉進士。時許公孟容為給事中。權文公為禮

部侍郎時稱權許進士中否二公未嘗不相聞於其間者其年禮部畢事文公詣許曰亦有遺恨曰爲誰曰沈某一人耳許曰誰家子某不之知文公因具言先少保名字許曰若如此我故人子後數日徑詣公且責不相見公謝曰聞於_可丈人或援致中第是累丈人公舉遣某孤進故_{礙末世浮競}不敢自達許曰如公者可使我急賢詣公不可使公因舊造我明年中第文公門生七十人時人比公爲顏子聯中制策科授太子校書鄆縣

尉直史館左拾遺左補闕史館修撰翰林學士歷尚書司門員外郎司勳兵部郎中中書舍人命服朱紫時穆宗皇帝親任學士時事機秘多考決在內必取其長循爲宰相公密補弘多同列每欲面陳拜章互來告公必取規議用爲進退歲久當爲其長者凡再公皆逡巡不就上欲面授之公奏曰學士院長_{亦甚古}參議大政出爲宰相臣自知必不能爲凡宰相之任非能盡知天下物情苟爲之必致敗撓况今百姓甚困燕趙適

亂臣以死不敢當。願得治人一方爲陛下長養之。因出稱疾。特降中使劉泰倫起之。公稱疾篤。故相國李公德裕與公同列友善。亦欲公之起。辭說甚切。公終不出。因詔以本官兼史職出歸綸閣。久處密近。思效用於外。懇請於丞相不已。由是出爲湖南觀察使兼御史大夫。凡二歲。轉爲人困事繁。惡易滋長。官人調授。少得防冤。疎通蹊逕。人情物理。無不曲盡。吏欲爲欺於此。照驗之端。必明於彼。民有未伸於彼。開張之路。必

在於此。疊疊循環。皆極根本。爲重刑罰。杖十五。至於死者。每有一犯。必具獄。斷刑之後。遍爾示幕府吏。雖十人。有一人以爲小。未可者。必再詳究。經費遊宴。約事裁節。歲有水旱。不可減于常貢者。必爲代之。江西宣州連歲承災。所貸萬計。公善養性情。自居方伯。生殺之任。喜怒好惡。四者閉覆。渾然雖終歲。伺之不見毫髮。故黠吏欲賊公之所向。高下其事。終不可得。每處一事。未嘗不從盡理。故所至之處。富惟康。理行第一。

每去任人吏泣送出境不絕自宣城入爲吏部侍郎二年考檄搜舉品第倫比時稱精能牽物之望屬於僉議公每願用所長復治於外及薨於位知與不知莫不相吊上悼惜輟朝一日贈吏部尚書公與先少保俱掌國史撰憲宗實錄未竟出鎮湖南詔以隨之成於理所時論榮之公生得靈粹沛然而仁自幼及長未嘗湏臾間汲汲率率欲及於道溫良恭儉明智忠信內積外溢自然相隨自布衣至于達官凡所交友皆

當時名公將美所長覆叛所不及三十年間無有携間者公常居中雖有重名每苦於饑寒兩求廉鎮時宰許之皆先要公曰欲用某爲從事可乎公必拒之至有怒者公曰誠如此願息所請故二鎮幕府皆取孤進之士未嘗有吏一人因權勢入嘗擇邸吏尹倫清靜爲治戇滯闕事察佐皆患之固請易之公曰某出京師面誠倫曰止可闕事不可多事是倫適能如此受不虛矣故二鎮號爲富饒凡十年間權勢貴倖之風不及於公

耳苞苴寶王之賂。亦不至權門。雖有怒者。亦不敢以言議公。公然侵公。其爲守道自得。皆如此類。在家無杖笞呵責。家人自化。兄弟生姪。雖絕服者。入門飲食衣服。指使其奴婢無二等。親戚故舊。周給所得。皆出俸錢。不以家爲。於京師開化里致第。價錢三百萬。訖二鎮。牽率滿之。及在牀之日。周身之飾。易以任器。京師士人。雜然言議。以爲非今之有。指爲異事。嗚呼。公之德行。可以稱古君子矣。牧分實通家。義惟先世。復以孱昧。叨在賓席。幼熟懿行。長奉指教。泣涕撰記。以備遺闕。以附于史氏云爾。謹狀。

文筆與崔公行狀相類

杜樊川集卷十二

東海朱一是近脩

評次

丹山吳

璵于庭

黃州刺史謝上表

臣某言臣奉某月日勅旨自某官授臣黃州刺史以某月日到任上訖誠惶誠恐頓首頓首臣某自出身已來任職使府雖有官業不親治人及登朝二任皆參臺閣優游無事止奉朝謁今者蒙恩權授刺史專斲刑罰施行詔條政之善

惡唯臣所繫。素不更練。兼之昧愚。一自到任。憂
惕不勝。動作舉止。唯恐罪悔。伏以黃州在大江
之側。雲夢澤南。古有夷風。今盡華俗。戶不滿二
萬。稅錢才三萬貫。風俗謹朴。法令明具。久無水
旱疾疫。人業不耗。謹奉貢賦。不爲罪惡。臣雖不
肖。亦能守之。然臣觀東漢光武明帝。稱爲明主。
相繼聯續五十年。當時以深刻刺舉。號爲稱職。
治古之風。廢俗吏之課。高於此時。循吏衛颺。任
延王景魯恭。劉寬陳寵之徒。上一縣宰。獨能不

今人上疏必極言其波矣

狗時俗。自行教化。唯德是務。愛人如子。廢鞭笞
責削之文。用忠恕撫字之道。百里之內。勃生古
風。凡違衆背時。狗古非今。王者公侯。尚難其事。
豈一縣宰。能移其俗。此蓋人爲治古之人。法爲
一時之法。以治古之教。教之。卽治古之人。以一
時之法。齊之。卽一時之人。國家自有天下已來。
二百三十餘年間。專用仁恕。每後刑罰。是以內
難外難。作者相繼。土地甲兵。權柄號令。盡非我
有。終能擒之。此實恩澤慈愛。入人骨髓。俗厚風

古不可搖動。今自陛下卽位已來。重罪不殺。小過不問。普天之下。蠻貊之邦。有罹艱凶。一皆存恤。聖明睿哲。廣大慈恕。遠僻隱阨。無不歡戴。十四聖之生育。張二百四十年之基宇。臣於此際。爲吏長之。敢不遵行國風。彰揚至化。小大之獄。必以情恕。孤獨鰥寡。必躬問撫。庶使一州之人。知上有仁聖天子。所遣刺史。不爲虛受。烝其和風。感其歡心。庶爲瑞爲祥。爲歌爲誄。以禪盛業。流乎無窮。在臣心之則然。豈材術之能及。無任

感激悃懇血誠之至謹奏

不言勞苦惟期慈愛仁人之心循吏之筆

賀平党項表

臣某言。伏奉三月二十七日勅。党項剪除。北邊
寧靜。華夏同慶。道路懽呼。臣誠慶誠。抃頓首頓
首。伏以上天有震耀。殺戮王者。有攻討。誅夷是
以不暫討者不久。寧不一勞者不未逸。伏以自
古夷狄處中華。未有不爲患者。春秋時長狄攻
魯。北戎病齊。破魏陵。燕侵秦。撓晉。西漢趙克國。
納先零於內地。東朝馬文泉置當煎於三輔。自
後熾大。侵亂關中。戰爭十年。騷擾四海。陵逼京

邑發掘園陵。段熲不生。終不能滅。後至曹公因
匈奴衰弱。分爲五部。處在汾晉。散而居之。元海
傑然。首亂華夏。中原喪沒。凡數百年。國朝貞觀
之初。突厥破滅。太宗惑彥博之利口。忽文貞之
成筭。處其降衆。置於河南。不數十年。果殘燕趙。
興師命將。輸殺饋財。天下騷然。始能殄滅。是知
今古夷狄。處在中土。未有不爲亂者。伏以党羗
雜種。本在河外。生西北之勁俗。稟天地之戾氣。
爲西戎所蹙。舉種來降。國家納之。置於內地。爰

氣岸雄傑

受冠帶。兼伏征徭。角觶旣成。觝觸是務。天寶至
德之際。北燕偏重。中原一掀。大曆建中之際。逆
胡餘波。巨盜再起。党羗因此。亦恣猖狂。兔伏鳥
飛。爲戎虜之耳目。狼心梟響。作郊畿之殘賊。比
以迴鶻未殄。吐蕃正強。且湏羈縻。未可重振。於
是邊疆日駭。種類歲繁。每至勁弓折膠。重馬乳
兔。以魁健之質。張忿鷲之兇。劫饋穀以焚舟。殺
輜車而閉道。衆虺盤結。群犬呌牙。依據深山。出
沒險徑。近在宇下。游於殼中。艱難已來。不能割

削。伏惟聖敬文思和武光孝皇帝。皇天縱聖。赫日資明。威極風霆。謀先造化。潛運睿筭。獨決神機。典。麗。箕宿禡牙。狼星歛角。戍日禱馬。太白揚舂。按瑣而邊事無遺。聚米而兵形盡見。披其要地。擣以奇兵。獸窮搏人。鹿急走隘。囊封赤白。雜沓繼來。雉走檄書。遠近同至。蘇辛李蔡。傳鄭甘陳。十萬齊呼。四面同入。行軍於枕席之上。敗虜於險阻之中。或以利戈舂喉。或以長矛挾脅。僵屍積疊。千山之草木飛腥。霆電轟喧。萬里之威稜大

振。詩曰不弔昊天亂靡有定。此言中國不振。蠻夷入伐。下人號天以告亂也。復曰宣王薄伐小雅中興。是知武功不成。文德不治。臯陶無遺之誠。史佚非類之言。若不殄除。何為家國。自此兵為農器。革作軒車。泥紫金於常山。沉殘戎於青海。天覆盡得。禹畫無遺。統華夏為一家。用夷狄為四守。萬物由道。百度皆貞。遠超三代之風。使無一人之獄。臣僻左小郡。樸樛散材。空過流年。徒生聖代。尚能為詩見志。作歌極情。上詠神功。

庶垂後代。限以守土。不獲稱慶。無任踴躍款懇之至。謹奉表陳賀以聞。臣誠惶誠恐。頓首頓首。謹言。

大聲高節。綴以古華。斯宣揚之盛則。

進撰故江西韋大夫遺愛碑文表

右臣奉某月日勅牒。令撰故江西觀察使韋丹遺愛碑文。臣官卑人微。素無文學。恩生望外。事出非常。承命震驚。以榮爲懼。伏以洪爲州府。逾於千年。言念疲羸。常患水火。風俗如此。改革無因。韋丹受朝廷分憂。爲百姓去弊。不踐舊跡。特建宏謀。凡三年苦心。去千歲大患。兼之灌溉。種蒔。豐其衣食。渤海潁川之治。邵父杜母之恩。校之於丹。未足爲比。伏惟皇帝陛下。陟降順帝。施

設如神納諫若轉丸去惡如反掌是以兵刑措
 寢年穀豐登而猶念切疲人及於循吏緬韋丹
 已效之績慰江西去思之心特與彰揚創為碑
 紀是宜使內直學士右西掖辭臣振發雄文流傳
 後代至於臣者最為鄙陋明命忽臨牢讓無路
 俯仰慙懼神覓驚飛臣不敢深引古文廣徵樸
 學但首叙元和中興得人之盛次述韋丹在任
 為治之功事必直書辭無華飾所冀通衢一建
 百姓皆觀事事彰明人人曉會但率誠樸不近

宋人表狀多
 類此

文章受曲被之恩私如生羽翼報非次之拔擢
 宜裂肝腸無任感激懇悃血誠之至其碑文本
 謹隨狀封進以聞謹奏

謙退得體稱說有文

爲中書門下請追尊號表

臣某等言。伏以收復河湟。廓開土宇。北絕梓嶺。
西過榆溪。壯中夏起塞之雄。奪西戎理弓之地。
至使強虜不敢觸鋒。山鑠七關。地闢千里。歌狸
首而息射。誅校杜以勞旋。聖德神功。超今越古。
某月日。臣某等於延英殿。面奉德音。陛下以尅
定舊疆。獲成先志。歸功祖考。追尊鴻名。臣等伏
念國家之爲治也。溢三皇之軌躅。奮百代之上
下。天寶之末。天下泰寧。恃富庶而醉飽。無虞韜

干戈而兇逆潛作。大曆貞元之際。河北河南之地。朝廷行姑息之政。郡國皆叛亂之臣。苟且之令。行畫一之法。廢月增日長。雄唱雌和。李錡宗子。劉闢書生。東據石頭。西斷劍閣。朝廷所有。唯止兩京。伏惟憲宗皇帝。順上帝之心。酌列聖之法。爵不踰等。舉不失賢。親莊正之人。去側媚之士。然後提挈綱紀。震疊雷霆。誅夷群兇。洒掃四海。百度如律。九功可歌。天業益張。聖統無極。詩曰。惠我無疆。子孫保之。復曰。周雖舊邦。其命維

頌先得追號之體

新。伏惟元和之初。實開中興之業。伏惟聖敬文思和武光孝皇帝陛下。脩先王之大道。行天下之達德。廣問延諫。褒直盡下。首雪冤獄。常對法官。是則虞舜恤刑。文王慎罰。無以過也。開張聰明。延納諫諍。守職業者。無職不舉。被言責者。無事不言。皆獲甄升。豈唯假借。夫仲尼以三人有我師。大禹以愚夫能勝予。是仲尼之好問。大禹之拜言。無以過也。是以百姓手足。皆安於措置。四海風俗。益臻於和平。尚猶午夜觀書。日昃聽

政下。採人病。上求天瑞。帝典曰。聖敬日躋。湯銘曰。日日新。是陛下之德。有以過之。仲尼曰。禹立三年。百姓以仁。仰陛下之至理。知孔聖之可驗。夫西戎強盛。自古無之。包有引弓之人。盡為跨馬之國。天下獻力。備邊不充。四海輸賦。養兵不足。廣川薦草。盡為所有。健兵倖馬。不可當鋒。雖李廣材能。充國沉勇。但能閉壘。豈敢交綏。伏惟聖敬文思。和武光孝。皇帝陛下。畜睿筭於霄漢之表。盡聖謨於造化之先。捕虜將軍。射聲校尉。

羽林突陣之騎。酒泉校射之兵。親自指蹤。同時受命。信星效祉。靈旗呈祥。壁壘言言。而洞開渠。魁纍纍而自縛。解辮削衽。投戈委弓。懾怛威靈。歡呼冠帶。破種徙域。空漠靜邊。指北海而封燕。然中西域而立幕府。鄭吉之理烏壘。班超之鎮他乾。大庇生人。一寬天下。昔漢武帝之逐北虜。四海耗半。殷高宗之伐鬼方。三年乃克。尚書班史。稱德誅功。今陛下用仁義為干戈。以恩信為疆場。所求必至。有聞必先。不遺一矢。不頓一刃。

洗八聖肝食之恨。雪百年亡地之羞。小雅盡興。大業無極。爲而不有。歸功先帝。禮曰天子有善。上讓於天。仲尼曰武王周公其達孝乎。蓋以善於繼述。能光祖考。今者陛下謙讓之道。符於禮經。繼述之孝。稱於孔聖。臣等待罪宰相。日覩昇平。謹具太常追尊順宗皇帝憲宗皇帝謚號如前。伏聽勅旨。

麗聲古節復不靡曼表頌家之高軌

賀生擒衡州草賊鄧裴表

臣某等言。伏見湖南團練使奏生擒衡州草賊鄧裴及徒黨等。伏以湖湘旱耗。百姓饑荒。遂有奸兇。敢圖嘯聚。今承擒滅。已盡根株。臣等誠懼誠抃。頓首頓首。臣聞三代之英。兩漢之盛。姦兇亂常之類。挺災構逆之黨。乘間卽有。遇隙便生。伏惟聖敬文思和武光孝皇帝陛下。威極風霆。德滋雨露。正開壽域。盡納群生。未戢干戈。將臻富庶。逆賊鄧裴。鯁爾小孽。敢因艱食。漸誘饑人。

剝亂鄉間。陵驚郡邑。徒堅黨合。事鉅寇牢。或據深山。或閉官道。遂使湖嶺之外。人不聊生。慎由指揮義徒。總齊武士。仰憑睿筭。遠伏皇威。不經歲時。盡剪豺虺。党項已寧於朔北。妖黨復殄於巴西。今擒鄧裴。一清湖嶺。用夷狄爲四守。統華夏爲一家。言念秋毫。無非帝力。臣等備位台鼎。日奉聖謨。無任抃舞慶快。歡呼踴躍之至。

雖崇駢體。不傷古質。

謝賜御札提舉邊將表

伏奉宸翰。以邊塞未靜。將帥乏才。唯務誅求。不謀兵食者。伏以陛下。自卽位已來。正朝廷而舉典法。肥天下而壽群生。故能不血刃以收河湟。用文誥而降羗寇。干戈偃戢。遠邇安寧。今者尚以戍邊。未得高枕。深憂將帥。不副憂勤。或但恣於侵貪。或不事其兵食。湏有戒勵。形於詔書。此乃周文小心克勤。大禹不自滿假。比於聖德。無以過焉。臣等備位鼎司。親奉睿旨。望鏤肝膈。專

令防虞無任抃躍屏營之至

亦有聲

謝賜新絲表

右中使某至奉宣聖旨賜臣等新絲者伏以繭就絲着色蠶所繫在於纂組言功之大與食爭先陛下仁德動天雨澤順序柔桑沃若蠶女功勤晶比凝霜縈如委霧繭稅不逋於鄉井被覆皆徧於華夷盡荷皇慈同歌帝力臣等備位台席親逢盛時無任踴躍歡抃感恩之至

壽昌節宴謝賜音樂狀

右臣某言伏以降誕之辰生靈同慶合鈞天之

廣樂九奏諧和。令錫宴於仙祠。百辟歡抃。臣等幸生聖代。獲備台階。雖欲殺身。豈酬大造。無任感恩踴躍之至。

又謝賜茶酒狀

右臣某等言。伏以大慶吉辰。榮霑錫宴。鴻恩繼至。玉人薦臨。旨酒名茶。玉食仙果。來於御府。莫匪天慈。適口忘憂。已滿小人之腹。殺身粉骨。難酬聖主之恩。臣無任感恩抃躍之至。

三篇俱切事

代裴相公讓平章事表

臣某言。伏奉今日日制書。除臣某官。同中書門下平章事。祇奉成命。進退失圖。捧詔兢惶。銜恩戰慄。臣誠惶誠恐。頓首頓首。臣本書生。仕逢聖代。掌綸言於西掖。作藩守於名邦。自顧才能。已足踰越。陛下獎遇不次。拔擢過分。春闈典貢。地官掌財。咸無政能。粗免憊闕。及擢爲筦榷。累受寵榮。雖竭盡疲駑。欲裨萬一。而才智疎拙。不效涓塵。夫宰相之任。前賢有言。如涉川有舟。如幽

賁。處。自。勝。

室有燭。代天理物。爲人具瞻。豈伊小臣。而膺大任。今朝廷髦俊並作。名德森然。或多歷庶官。或皆有功實。或四方屏翰。已著勲勞。舉而用之。無不可者。如臣凡淺。豈宜委任。伏乞俯迴天鑑。更擇時賢。必能丹青帝圖。金玉王度。使微臣無尸祿之誚。聖主有得賢之名。非唯微臣獲安。實亦天下幸甚。無任悃懇血誠之至。

代人辭讓難此悞至

又代謝賜批荅表

臣某言。臣伏奉今日批荅。令臣宜斷來表。不許牢讓者。仰承鴻澤。跪捧芝緘。戰越失圖。啓處無地。臣某誠惶誠恐。頓首頓首。臣昨奉詔書。付以魁柄。自顧斗筭之器。樸樸之才。乘恩寵時。竊棟梁任。只合效蔡謨。堅臥孔。霸懇辭。尚猶拜謝天顏。進見卿士。榮忝旣積。憂惶實深。是以拜章上陳。懇辭自叙。冀迴聖鑑。更擇時賢。豈意睿旨重臨。綸音再下。不令徇志。且遣守官。大君之成

命已行。微臣之丹懇不遂。誓當戮力盡瘁。粉骨捐軀。知無不爲。見死寧避。冀荅君親生成之德。用酬乾坤覆育之恩。無任感激血誠慙惶戰越之至。

較前表更秀逸

又謝賜告身鞍馬狀

右中使某奉宣聖旨。賜臣告身一通。馬一疋。并鞍轡。臣生逢聖代。竊位巖廊。奉告令之。詔書丹霄之。雨露猶濕。錫代勞之。駿馬內棧之。風雲尚隨。寶軸煥絲綸之言。逸足騁奉奇之態。螢光燭火。何裨日月之明。弱質孤根。但荷乾坤之德。殺身寧報。撫已知慙。無任感恩抃躍懇悃之至。

數言自警

論閣內延英奏對書時政記狀

右舊例宰臣每於閣內及延英奏論政事及退歸中書知印宰臣盡書其日德音及宰臣奏事送付史館名時政記史官憑此編入簡策伏以敷陳時政承奉聖旨事非一端時移數刻退朝循省執筆讚論但記出已之辭或忘同列之對若獻替之說或闕則史冊之書不詳臣今商量每閣內奏事及延英對迴陛下所降德音宰臣所奏公事人自爲記共成一篇旣得精詳必無

遺漏付與史氏，便得直書。伏乞天恩，永爲常式，留心編史，亦盛時宰相之風。

謝許受江西送絲絹等狀

右今月十八日中使某至，奉宣聖旨，令臣領江西觀察使紇于衆所寄撰韋丹遺愛碑文，人事絲絹三百疋者，恩隨幸至，榮與利并，抃躍慙惶，罔知所措，伏惟皇帝陛下皇天縱聖，赫日資明，大獎功勞，不計存沒，舉韋丹江西之績，特令微臣撰碑，墮淚之思，豈慙羊祜黃絹之妙，實愧蔡邕。今者更蒙恩私，廣受絲帛，捧戴兢惕，無地容身，不勝感恩慙惶之至。

大是靈敏

內宴請上壽酒

具官臣某等言。伏惟聖敬文思和武光孝皇帝。陛下天覆地容。堯仁舜孝。四海波靜。三春物華。故於彤庭。大開錫宴。竊以三事大僚。百司庶府。願持王卮。上千萬壽。未敢專擅。伏俟德音。輕瀆宸嚴。無任戰越之至。

宴畢殿前謝辭

具官臣某等言。遲日正麗。廣揚洞開。張仙樂者。三千餘人。列正羞者。二十六豆。酒傾瑤甕。食置

雕盤列圭組以成行。酌金罍以爲勞。屬饜而止。絕德以歸。旣醉太平之風。共樂仁壽之域。千年一遇。百辟同歡。臣等備位台司。親同聖日。歡呼抃躍。不能自勝。

謝賜物狀

具官臣某等言。叨陪錫宴。竊覩鈞天。百品並陳。三酒皆具。微臣所志。已極滿盈。豈意鴻澤重霑。錫賚殊等。朱綠玄黃之繒綵。精金文錦之珍奇。捧戴自天。啓處無地。不勝抃躍感恩之至。

都有文采

代人舉周敬復自代狀

前件官執德以進。嚮道而行。藹有令名。備歷清
貫。掌綸言於西掖。才稱發揮。參密命於內庭。衆
推忠慎。自弭貂近侍。主鑰東門。聲實益重於搢
紳。磨涅始彰其堅白。伏以南省實天下根本。兩
丞爲百司管轄。苟非其選。必致敗官。今若以臣
所任。迴授敬復。庶能肅清臺閣。提舉紀綱。旣曰
陟明。實不虛受。伏乞天恩。允臣所請。

代人舉蔣係狀

伏准某年月日勅內外文武常參官上後三日
宣舉一人自代者伏以前件官仁義素彰文學
早著揚歷臺閣宣昭令名嘗爲諫官無所避忌
及領藩鎮實惠疲羸頃者不附權臣例遭左官
今逢明代猶典小州伏以封還詔書駁正時事
職業實重選擇宜精今若以臣此官迴與蔣係
既不虛受實爲陟明伏乞聖慈允臣所請謹狀
筆意甚清古

杜樊川集卷十三

東海朱一是近脩

丹山吳興于庭

評次

上李太尉論北邊事啓

某啓伏以聖主垂衣太尉當軸威德上顯和澤
下流諸侯無異心百姓無怨氣星辰順靜日月
光明天業益昌聖統無極旣功成而理定實道
尊而名垂今則未聞縱東山之遊樂後園之醉
惕惕若不足兢兢而如無豈不以邊陲尚驚殊

虜未殄。防其入寇。猶須徵兵。伏以迴鶻種落。人數非多。校於突厥。絕爲小弱。今者國破衆叛。逃來漠南。爲羈旅之覓。食草萊之實。白髮驪駢之騎。凋耗已無。漣酪皮毳之資。饑寒皆盡。寄命雜種。藏跡陰山。取之及時。可以一戰。今者度虜之計。不出二者。時去時來。徊翔不決。必有所在。西戎已得要約。伺其氣勢。同爲侵擾。此其一也。心膽破壞。馬畜殘少。且於美水薦草。暖日廣川。牧馬養習。以俟強大。此其二也。今者徵中國之兵。

與之首尾。久戍則有師老費財之憂。深入則有大寒瘕墜之苦。示戎狄之弱。生奸傑之心。今者不取。恐貽後患。敢以管見。上干尊重。自兩漢伐虜。皆是秋冬。不過百日。驅中國之人。入苦寒之地。此時匈奴勁弓折膠。重馬免乳。畜肥草壯。力全氣盛。與之相校。勝少敗多。故匈奴云。漢實大國也。但其人不能辛苦爾。此所謂避虛而擊實。逃短而攻長。至於後魏崔浩。因見其理。蠕蠕強盛。屢犯北邊。浩請討之。曰。蠕蠕恃其地遠。自寬。

詳述而氣能
駕之

來久。故夏則散衆放畜。秋肥乃聚。背寒向暄。南
來寇抄。今出其慮表。掩其不備。大兵卒至。必驚
駭。星分向塵奔走。牡馬護牧。牝馬戀駒。驅馳難
制。不得水草。未過數日。則聚而困斃。可一舉而
滅矣。武帝從之。及軍入境。羶羶先不設備。民畜
布野。驚怖四奔。莫相收攝。於是分軍撲討。東西
五千里。南北三千里。凡所俘虜。及獲畜產。彌漫
山澤。高車因殺羶羶種類。歸降者三十餘萬落。
虜遂散亂。帝沿弱水西行。至涿邪山。諸大將慮

深入有伏兵。勸帝停止不追。浩先勸窮追之不
從。後聞涼州賈胡言。若更前行三日。則盡滅之
矣。帝深恨之。以某所見。今若以幽并突陣之騎。
酒泉教射之兵。整飾誠誓。仲夏潛發。計陰山與
涿邪之遠近。十不朝醒一一。校羶羶迴鶻之強弱。猶
如虎鼠。五月節氣。在中夏則熱。到陰山尚寒。中
國之兵。足以施展。行軍於枕席之上。翫寇於掌
股之中。軌輻懸瓶。湯沃晁雪。一舉無類。必然之
策。今冰合防秋。冰銷解戍。行之已久。虜爲長然。

出其意外。實爲上策。議者或云。比取黠曼。今討迴鶻。仗以黠曼。起於別種。超爲可汗。必是英傑。天時必助。賢材必用。法令必明。滅迴鶻之後。便是勅敵。况示之以弱。必爲所輕。今者四海九州。同風共貫。諸侯用命。年穀豐熟。可以瘞玄王於常山。子遺人於河壠。顧茲疲虜。豈遺子孫。伏惟大尉相公文德素昭。武功復著。畫地而兵形盡見。按璣而邊事無遺。唯一指踪。卽可掃跡。昔漢武帝之求賢也。有上書不足採者。輒報罷去。未

嘗罪之。故能羈越臣胡。大興禮樂。今太尉與仁聖天子同德。有志之士。無不願死。伏惟特寬狂狷。不賜誅責。生死榮荷。無任感恩攀戀。惶懼汗慄之至。謹啓。

聲。旣氣瀨論瑰事。覈唐以後人。豈復有此。

賀中書門下平澤潞啓

某啓。伏以上黨之地。肘京洛而履蒲津。倚太原而跨河朔。戰國時。張儀以爲天下之脊。建中日。田悅名曰腹中之眼。帶甲十萬。籍土五州。太行夷儀。爲其扃關。健馬強弓。爲其羽翼。自逆黨專有。僅及一世。頗聞教育。實曰精強。昨者凶豎專地之請。初陳聖主整旅之詔。將下中外。遠邇皆疑難攻。蜂蠆蟾蜍。頗亦自負。伏惟相公上符神斷。潛運廟謀。仗宗社威靈。駭風雲雷電。掌上必

取。穀中難逃。纔逾周星。果梟逆首。周公東征之役。捷至三年。憲皇淮夷之師。尅聞四歲。校虜寇之強弱。曾不等倫。考攻取之敗亡。何至容易。若非睿筭英略。借筋深謀。比之前修。一何遠出。自此鞭笞反側。灑掃河湟。大開明堂。再振儒校。窮天盡地。皆爲壽域之人。赤子秀眉。共老止戈之代。某謬分符竹。實由恩知。慶快懽抃之誠。倍百常品。不宣謹啓。

敷詞典核而風華亦饒

上白相公啓

某啓。伏惟相公上佐聖主。獨專魁柄。封殖良善。修整紀綱。練群臣。謹百職。考功績。覈名實。大張公室。盡閉私門。盛德大功。直筆實先於簡策。清節細行。祝史不愧於神明。天下望之爲準繩。朝廷倚之爲依據。畢公克勤小物。周公煥發大猷。邴吉陋案吏於公庭。袁安不錮人於聖代。衛將軍有長揖之客。張子孺無謝恩之人。吉甫率由舊章。魏相能明故事。房杜不以求備取人。不以

已長格物。姚梁公先有司。修舊法。下位各得言。其志百司各得盡其才。求於古人之賢。皆集相公之德。如比喻新刻以尺量刀解粉布墨畫。小大銖參。九角尖缺。各盡其分。皆當其任。是以庶人不議。鄉校無言。天下欣欣若更生者。自此黃髮之老。待哺之子。不見兵戈。不離抱撫。清廟之祭。四夷來助。蒼生之願。百志皆成。顛顛萬方。實懸斯望。某遠守僻左。無因起居。但採風謠。亦能歌詠。無任攀戀激切之至。謹啓。

上周相公啓

某啓。伏奉三月八日勅除尚書司勳員外郎史館修撰。承命榮懼。啓處無地。伏以聖主順上帝之則。率四海以仁。神化風行。家至日見。古先哲王之德也。有求必至。有開必先。是以傅呂得於夢卜。申甫降於山嶽。伏惟相公待主乃用。爲時而生。當考室構厦之時。膺篤繩削墨之任。贊傑俊。遂賢良。調陰陽。提紀律。類能而使。度材受官。常切如家之憂。每懷撻市之耻。是以朝廷禮樂。

天下清明。人不凋傷。神不怨悵。萬物由道。百度皆貞。雖周獲仁人。商得元哲。夢卜降嶽之得。豈能逾焉。某樸楸之才。糞朽之賤。遭逢盛業。三帶郡符。自審事宜。實以逾忝。伏以睦州治所。在萬山之中。終日昏氛。侵染衰病。自量忝官已過。不敢率然請告。唯念滿歲得保生還。不意相公拔自污泥。昇於霄漢。却收斥錮。令廁班行。仍授名曹。帖以重職。當受震駭。神魂飛揚。撫已自驚。喜過成泣。藥肉白骨。香返遊魂。言於重恩。無以過

此。雖買臣懷紱郡邛。蕭育召拜扶風。楊僕三組垂腰。蘇秦六印在手。校於榮忝。無以爲喻。言念微生。難酬殊造。伏以相公自數載已來。朝廷篤老。四海俊賢。皆因挈維。盡在門館。毗輔聖主。巍爲元勳。自有明神。以相百祿。固唯賤末。報效無門。感激血誠。涕淚迸溢。無任攀戀懇款之至。謹啓。

感謝良激讀之神動

上鄭相公狀

某啓伏以相公自專魁柄一闡大猷鎮撫四夷
訓導百吏無不信順皆有程品猶尚不遺微賤
特降慰誨重叠滿幅榮耀闔門捧戴生光啓處
無地聞於白屋之輩皆願殺身詢於黃耆之徒
以爲異事慰示天下長育人材魚頡鴻冥之潛
丘中島上之隱皆可以結戀隨指效用盡心接
地際天日出月入盡得臣妾無不謳歌蒼生顚
顛實有所望某一門骨肉皆受恩知效命之誠

相夢川集 卷十三 六
瀝血自誓。無任攀戀感激懇悃之至。謹狀。

組練惇懃

上淮南李相公狀

某啓。伏以近日當州人吏往來。及諸道賓客行
過。皆傳相公以淮海之地。災旱累年。仁憫之心。
憂念深切。廣求人瘼。大革土風。卹養疲羸。抑挫
豪猾。備職者思勵其已。業官者得用其能。鰥寡
孤惇。飛沉動植。仁煦必及。惠愛無遺。吏不敢欺。
法能必束。上行下效。家至戶到。閭里安泰。史冊
未聞。竊以聖上倚注。旣深。相公勲業愈重。况茲
異政。卽達宸聰。伏料窮邊絕塞。將議息兵。宣室

杜欒川集 卷十三
明庭必思舊德。重秉鈞軸。固在旬時。某忝跡門
墻。不勝抃躍。攀望榮戟。下情無任戀結之至。謹
狀

頌言自古

上吏部高尚書狀

某啓人惟樸楸。材實朽下。三守僻左。七換星霜。
拘攣莫伸。抑鬱誰訴。每遇時移。節遠家遠。身孤
弔影自傷。向隅獨泣。將欲漁釣一壑。栖遲一丘。
無易仕之田園。有仰食之骨肉。當道每歎。末路
難循。進退唯艱。憤悱無告。今者大君繼統。賢相
秉鈞。遺墜必舉。髦雋並作。伏惟尚書秩高天爵。
德冠人倫。爲搢紳之紀綱。作朝廷之標表。凡遊
門館。莫非雋賢。至於小人。最爲凡器。頃者幸以

屬郡。祇事廉車。奉約束而雖嚴。滌昏蒙而無術。實多憊闕。每賴恩容。敢望尊嚴。特自褒舉。手示遠降。羈覓震驚。感激彷徨。涕淚迸落。便無跛倚。如生羽翰。全忘鼠循。忽欲鳥舉。雖闕下一召。歲中四遷。校其光榮。不能踰越。禮曰君子愛其死。有以待也。養其身。有以爲也。是小人忘生殺身之地。剗腸奉首之報。今得之矣。復何求焉。江山絕域。登臨已秋。猿吟鳥思。草衰木墜。黎侯寓衛。有式微之詩。趙王遷房。創山木之詠。流落多戚。

今古同塵。迴望門牆。涕戀唯積。起居末由。無任血誠懇悃之至。

蕭感如雍門鼓琴

上刑部崔尚書狀

某啓。某比於流輩。踈濶慵怠。不知趨嚮。唯好讀書。多忘。爲文格卑。十年爲幕府吏。每促束於薄書。宴遊間。刺史七年。病弟孀妹。百口之家。經營衣食。復有一州賦訟。私以貧苦焦慮。公以愚恐。敗悔。仍有嗜酒多睡。廁於其間。是數者相遭於多。忘格卑之中。書不得日。讀文不得專心。百不逮人。所尚業。復不能尺寸銖兩。自強自進。乃庸人輩也。復何言哉。今者欲求爲贊於大君子門。

下尚可以為文而為其禮詩所謂有靦面目視人罔極者也謹敢繕寫所為文凡二十首伏地汗赧不知所云謹狀

矯如游龍

上安州崔相公啓

某啓某比於流輩一不及人至於讀書為文日夜不倦凡諸所為亦未有以過人至於會昌三年八月中所獻相公長啓鋪陳功業稱校短長措於史記兩漢之間讀於文士才人之口與二子自負如此並無愧容伏恐機務殷繁不暇省覽今者竊敢再錄啓本重干尊嚴付於史官而不誣懸於後代而不泯其於取重豈在小人復敢別錄所為新舊文兩卷凡一十九首上陳視聽一希鑄

琢重疊過越。惶懼伏深。伏惟照察。謹啓。

非樊川誰敢云然

薦韓又啓

昨日所啓言韓拾遺事。非與韓見其大求衣食救饑寒也。御史亦豈爲救饑寒之官乎。中丞必曰。大梁奏取韓以饑寒。何不去。夫幕吏乃古之陪臣。以人焉。北面雖布衣無耻之士。亦宜訪其樂與不樂。况有道之君子乎。韓以旅寓洛中。非不樂梁也。不甘不告之請耳。韓及第後歸越中。佐沈公江西宣城府。罷唐扶中丞。辟於閩中。罷府歸路。由建州。妻與元晦同高祖妹。惡晦爲人。不省之。

及晦得越。乃棄產避之。居常州。殷儼者。仰韓之道。自閩寄百緜遺之。及門不開書緘而斥去之。有坎序某比兩府同院。但見其廉慎高潔。亦未知其道。大和八年。自淮南有事至越。見韓君於境上。三畝宅。兩頃田。樹蔬釣魚。唯召名僧爲侶。餘力究易。嬉嬉然無日不自得也。未嘗及身名出處之語。未嘗入公府。造請與幕吏宴遊。因此不爲搢紳相所見。禮蕭高二連帥。至卽日造其廬。詢以政事。稱先人梓材有文學高名。沒於越之府幕。

故不願復爲越賓。及高至許下。厚禮辟之。其爲人也。貞潔芳茂。非其人。不與遊。非其食。不敢食。蕭舍人考功。崔員外。是趨於韓。交者某。復趨於蕭。崔二君子者。卽韓之去。某其間。不啻容數十人矣。某安得知其賢而言之。復不僭乎。伏恐中丞謂韓求官以衣食。干交朋者。中丞初在憲府。固宐慎選御史。御史固非救饑寒之官。某久承恩知。但欲薦賢於盛時。雖至淺陋。亦知不可以交友。饑寒求清秩。以干大君子者。伏慮未審誠。

懇。故此具陳本末。伏惟焘察。謹啓。

人文兩有品地

上知已文章啓

某啓。某少小好爲文章。伏以侍郎文師也。是敢謹貢七篇。以爲視聽之汚。伏以元和功德。凡人盡當歌詠紀叙之。故作燕將錄。往年弔伐之道。未甚得所。故作罪言。自艱難以來。卒伍傭役輩。多據兵爲天子諸侯。故作原十六衛。諸侯或恃功不識古道。以至于反側叛亂。故作與劉司徒書。處士之名。卽古之巢。由伊呂輩。近者往往自名之。故作送薛處士序。寶曆大起宮室。廣聲色。

故作阿房宮賦。有廬終南山下。嘗有耕田著書志。故作望故園賦。雖未能深窺每自負古人得與揖讓笑言。亦或的的分其狀貌矣。貞元四年來。在大君子門下。恭承指顧。約束於政理簿書間。永不執卷。上都有舊第。唯書萬卷。終南山下有舊廬。頗有水樹。當以耒耜筆硯居其間。及齒髮甚壯。冀有成立。他日捧持一遊門下。為拜謁之先。或希一獎。今者所獻。但有輕黷尊嚴之罪。亦何所取。伏希少假誅責。生死幸甚。謹啓。

獻詩啓

某啓。某苦心為詩。本求高絕。不務奇麗。不涉習俗。不今不古。處於中間。既無其才。徒有其奇。篇成在紙。多自焚之。今謹錄一百五十篇。編為一軸。封留獻上。握風捕影。鑄水鑿冰。敢求恩知。但希鑄琢。冒黷尊重。下情無任。惶懼謹啓。

亦簡雋

薦王寧啓

前渭南縣令王寧前件官實有吏才稱於衆口。年少強力。一也。遇事必能裁割。二也。旣蘊智能。無頭角誇誕。三也。廉直可保。四也。處於驕將內臣之間。必能和同。五也。今者邊將生事。雜虜起戎。不憂兵甲。唯在饋運。某過承恩獎。輒敢薦才。伏惟取舍之間。特賜恕察。謹啓。

簡直無煩言

上宰相求湖州第一啓

某啓。人有愛某者。言於某曰。吏部員外郎。例不爲郡。子不可求。假使已求。慎勿堅懇。至于再三。荅曰。某雖不學。按六典令式。及諸故事。多無此例。國史復無賢相名卿。懸之以爲格言。此乃急於進趨之徒。自爲其說。若以言例。貞元初。故相國盧公邁。由吏部員外郎出爲滁州。近者澶王傳。李疑爲鹽鐵使。江淮留後。豈曰無例。人曰。盧事太遠。李爲擢用。此不足徵。某曰。不知今者視

之古事在書取為今證。遠自三代兩漢。近至隋氏國初。尚可援引。况前十五年名相故事。反不足為例乎。况盧公邁止以骨肉寒餓來守滁陽。非如某以親弟廢痼寒餓仍之。是盧公有一某。有二。與盧公所切。復為不同。仲尼曰。雍也可使南面。今刺史古之南面諸侯。行天子教化刑罰者。江淮鹽鐵留後。求利小臣。校量輕重。與刺史相懸。求利小臣。乃可吏部員外郎。為之十萬戶。州天下根本之地。曰吏部員外郎。不可為其刺。

史。卽是本末重輕。顛倒乖戾。莫過於此。某弟顓世。胄子孫。二十六。一舉進士及第。嘗為上裴相公書。酋壯溫潤。詞理傑逸。賈生司馬。遷能為之。非班固劉向輩。疊疊之詞。流於後輩。人皆藏之。朱崖李太尉。迫以世舊。取為浙西團練使。巡官李太尉。貴驕多過。凡有毫髮。顓必疏而言之。後謫袁州。於倉惶中。言於親吏曹居實。曰。如杜巡官愛我之言。若門下人。盡能出之。吾無今日。李太尉在袁州。顓客居淮南。牛公欲辟為吏。顓謝。

曰。荀爽為李膺御。以此顯名。今受命為幕府下
 執事。御李膺矣。然李公困謫遠地。未願仕宦。牛
 公嘆美之。聰明雋傑。非尋常人也。某自省事已
 來。未聞有後進名士。喪明廢棄。窮居海上。如顛
 比者。今有一兄。仰以為命。復不得一郡以飽其
 衣食。盡其醫藥。非今日海內無也。言於所傳聞
 亦未有也。自古言喜莫若虢國太子以其死而
 復生。言懇莫若申包胥求救於秦。七日七夜哭
 聲不絕。某何其激懇如包胥。但未哭爾。若蒙恩憫。特

遂血懇其喜也。不下號太子。詞語煩碎。頻于尊
 重。足及軒闥。神驚汗流。不勝憂恐。懇悃之至。謹
 啓。

情見乎詞。亮達可聽。

上宰相求湖州第二啓

某啓某幼孤貧安仁舊第置於開元末某有屋三十間去元和末酬償息錢爲他人有因此移去八年中凡十徙其居奴婢寒餓衰老者死少壯者當面逃去不能呵制有一豎戀戀憫歎挈百卷書隨而養之奔走困苦無所容歸死延福私廟支柱欹壞而處之長兄以驢遊丐于親舊某與弟叙次。愴涼。顓食野蒿藿寒無夜燭默所記者凡三周歲遭遇知己各及第得官文宗皇帝改號初

年某爲御史分察東都。顓爲鎖海軍幕府吏。至二年間。顓疾眼暗。無所覩。故殿中侍御史韋楚老曰。同州有眼醫石公集。劍南少尹姜沔喪明。親見石生針之。不一刻而愈。其神醫也。某迎石生至洛。告滿百日。與石生俱東下。見病弟于揚州禪智寺。石曰。是狀也。腦積毒熱。脂融流下。蓋塞瞳子。名曰內障。法以針。旁入白睛穴上。斜撥去之。如蠟。塞管蠟去。管明。然今未可也。後一周歲。脂當老硬。如白玉色。始可攻之。某世攻此疾。

此論奇而妄

自祖及父。某所愈者。不下二百人。此不足憂。其年秋末。某載病弟與石生自揚州南渡。入宣州。幕至三年冬。某除補闕。石生自曰。明年春眼可針矣。視童子中脂色。玉白。果符初言。堂兄慥守潯陽。沂流不遠。刺史之力也。復可以飽石生所欲。令其盡心。此卽家也。京中無一畝田。豈可同歸。遂如潯陽。四月二日。某於潯陽北渡。赴官。與弟顓決手。哭曰。我家世德。汝復無罪。其疾也。豈遂痼乎。然有石生。慎無自撓。其年四月。石生施

針。九月再施針。俱不効。五年冬。某爲膳部員外郎。乞假往潯陽。取顓西歸。顓固曰。歸不可議。俟兄慥所之而隨之。會昌元年四月。兄慥自江守。某與顓同舟至蘄。某其年七月卽歸京師。明年七月出守黃州。在京時。詣今虢州。庾使君問。庾使君眼狀。庾云。同州有二眼醫石公。集是一也。復有周師達者。卽石之姑子。所得當同。周老石少。有術甚妙。似石不及。某常病內障。愈于周手。豈少老間。工拙有異。某至黃州。以重幣卑詞。

致周。至蘄。周見弟眼。曰。嗟乎。眼有赤脉。凡內障。脂凝有赤脉。綴之者。針撥不能去。赤脉赤脉。不除。針不可施。除赤脉。必有良藥。某未知之。是石生業淺。不達此理。妄再施針。周不針而去。時西川相國兄始鎮揚州。弟兄謀曰。揚州六郡。爲天下通衢。世稱異人術士。多遊其間。今去。值有勢力。可爲久安之計。冀有所遇。其年秋。顓遂東下。因家揚州。與顓一相見。別八年矣。坐一室中。不復有再生意。住三十日而西。臨岐與決曰。此行。

詳言醫目乃
見其情之切

也。必祈大郡東來。謀汝醫藥衣食。庶幾如志。近聞九疑山南有隱士綦母弘者。人言異人能愈異疾。忠州豐都縣有仙都觀。後漢時仙人陰長生於此。白日昇天。今聞道士龔法義年逾八十。精嚴其法。人之所謂有前世負累。今世還以痼疾者。奏章于上帝。能為解之。刺史之力。二人或可致。是以去歲閏十一月十四日。輒獻長啓。乞守錢塘。蓋以私懇有素。非敢率然言念病弟喪明。坐廢十五年矣。但能識某聲音。不復知某髮。

已。半。白。顏。面。衰。改。其言痛切是某。今。生。可。以。見。顛。而。顛。不。能。復。見。某。矣。此。天。也。無。可。奈。何。某。能。見。顛。而。不。得。去。此。豈。天。乎。而。懇。在。相。公。若。小。人。微。懇。終。不。能。上。動。相。公。相。公。恩。憫。終。不。下。及。小。人。是。日。月。下。親。兄。弟。終。無。相。見。期。况。去。歲。淮。南。小。甲。衣。食。益。困。目。無。所。見。復。困。於。衣。食。卽。海。內。言。窮。苦。人。無。如。顛。者。今。敢。以。情。事。再。書。懇。迫。上。于。尊。重。伏。料。仁。者。必。為。憫。惻。然。某。早。衰。多。病。今。春。耳。聾。積。四。十。日。四。月。復。落。一。牙。耳。聾。牙。落。年。七。八。十。人。

將謝之候也。今未五十而有七八十人將謝之候。蓋人生受氣堅強脆弱品第各異也。堅強者七八十而衰。脆弱者四五十年而衰。其不同也。亦與草木中蒲柳松柏同也。某今生四十八矣。自今年來。非唯耳聾牙落。兼以意氣錯寔。在群衆懔。怩。怍。慄。形。容。意。象。懔笑之中。常如登高四望。但見莽蒼大野。荒墟廢壠。悵望寂然。不能自解。此無他也。氣衰而志散。真老人態也。自省人事已來。見親舊交遊。年未五十尚壯健而死者衆矣。况某早衰。敢望六

七十而後死乎。願未死前一見病弟。異人術士求其所未求。以甘其心。厚其衣食之地。某若先死。使病弟無所不足。死而有知。不恨死。早湖州三歲。可遂此心。伏惟仁憫。念病弟望某東來之心。察某欲見病弟之志。一加哀憐。特遂血懇。披剔肝膽。重此告訴。當盛暑時。敢以私事及政事堂啓。干丞相治其罪可也。伏紙流涕。俯俟嚴命。不勝憂惶激切之至。謹啓

流連婉惻善于言情

出師寫忠陳情著孝此啓形容友悌處其真切故當並傳

上宰相求湖州第三啓

某啓某去歲閏十一月十四日輒書微懇列在長啓干黷尊重乞守錢塘以便家事自嘆精誠不能上動相公不遂私便伏以病弟孀妹因緣事故寓居淮南京中無業今者不復西歸遂於淮南客矣病孤之家假使旁有強近救接庇借歲供衣月供食日問其所欠闕尚猶戚戚多感無樂生意况乎爲客於大藩喧囂雜沓之中無俸祿之氣勢食不繼月用不給日閉門於荒僻

之地。取容於里胥遊徼之輩。部曲臧獲。可以氣凌鼠侵。又不能制止。所可仰以爲命者。在三千里外。一郎吏爾。復有衣食。生生之所湏。悉多欠闕。取其安活。而無歎吒。悲恨不可得也。去歲伏蒙恩念。出於私曲。語今青州鄭常侍云。更與一官。必任東去。某承受仁旨。不敢不重以錢塘。更塵視聽。今自勲曹。擢爲廢置。在某更授一官。已榮遇矣。在相公必任東去之言。鏘然在耳。近者累得書告。以羈旅困乏。聞於他人。可爲酸鼻。况

於某心。豈易排遣。今年七月湖州月滿。敢輒重書血誠。再干尊重。伏希憐憫。特賜比擬。某伏念骨肉。悉皆早衰多病。常不敢以壽考自期。今更得錢三百萬。資弟妹衣食之地。假使身死。死亦無恨。湖州三考。可遂此心。湖州名郡也。私誠難遂。也不過知已。豈得如志。瀝血披肝。伏紙迸淚。伏希殊造。或賜濟活。下情無任。懇悃惶懼之至。謹啓

情詞有建錐發機之勢

上宰相求杭州啓

某啓。某於京中。唯安仁舊第三十間支屋而已。長兄慥罷三原縣令。閑居京城。弟顓一舉進士。及第。有文章時名。不幸得痼疾。坐廢十三年矣。今與李氏孀妹寓居淮南。並仰某微官。以爲糒命。某前任刺史七年。給弟妹衣食有餘。兼及長兄。亦救不足。是某一身作刺史。一家骨肉四處安活。自去年八月。時蒙獎擢。授以名曹郎官。史氏重職。七年棄逐。再復官。榮歸還故里。重見親

戚言於鄙誠已滿素志自去年十二月至京以
舊第無屋與長兄異居今秋已來弟妹頻以寒
餒來告某一院家累亦四十口狗爲朱馬縕作
由袍其於妻兒固宜窮餓是作刺史則一家骨
肉四處皆泰爲京官則一家骨肉四處皆困謀
於知友曰杭州大郡今月滿可求欲干告吾相
以活家命以爲如何皆曰子七年三郡今始歸
無不感涕伏以相公上佐聖主蔚爲元勳恩隨
風翔德與氣游唯一物之微四海之大鎔造所

及罔不得宜伏念庫部家兄承一顧之恩二紀
不替伏恐機務繁重不時記憶心迫情切輒敢
重干尊嚴戰汗憂惶伏地待罪謹啓

最善言情

爲堂兄慥求澧州啓

某啓。庫部家兄。昨者特蒙獎拔。却忝班行。實以
聽聞稍難。不敢更求榮進。今在郢州。涸口草市。
絕俸。已是累年孤外。生及姪女。堪嫁者三人。仰
食待衣者。不啻百口。脫粟蒿藿。纔及一食。伏蒙
仁恩。頻賜顧問。必許援拯。授以涪陽。活於闔門。

缺



